



Na osnovu člana 9. stav 1. Pravilnika o radu Javnog preduzeća Elektroprivreda BiH d.d. –Sarajevo broj: U-01-15259/21-98/24 od 18.05.2021. godine, a u skladu sa Odlukom o potrebi zapošljavanja novog radnika u Podružnici „Elektrodistribucija“ Tuzla zbog neplaniranih okolnosti broj: 01-03-37014-1/22 od 29.12.2022. godine, Podružnica „Elektrodistribucija“, Tuzla raspisuje:

O G L A S

za prijem radnika na neodređeno vrijeme

Oglašava se potreba za prijem radnika u radni odnos na neodređeno vrijeme uz obavezan probni rad u trajanju od 6 mjeseci u JP Elektroprivreda BiH d.d.-Sarajevo, Podružnica „Elektrodistribucija“, Tuzla na sljedeće radno mjesto:

1. Elektromonter u PJD Gračanica - 1 izvršilac

Posebni uslovi navedenog radnog mjesta koji su utvrđeni Sistematizacijom radnih mjesta:

- IV-SS/III-KV elektrotehničar, energetika/elektromonter/elektroenergetičar/električar/elektroinstalater/elektromehaničar,
- 6 mjeseci radnog iskustva u struci.

Mjesto rada Gračanica.

Kratak opis poslova: vrši reviziju, održavanje i remont SN i NN mreža i postrojenja naponskog nivoa ≤ 20 kV, vrši manipulacije na SN i NN mrežama i postrojenjima naponskog nivoa ≤ 20 kV i brojlama po nalogu, uz prijem i davanje depeša, vrši ispitivanje, pronalaženje, lokalizaciju i opravku kvarova na SN i NN mrežama i postrojenjima, vrši izgradnju i rekonstrukciju elektroenergetskih mreža, postrojenja i priključaka, vrši manipulacije na postrojenjima za potrebe izvođenja radova po nalogu za rad, može biti nosilac radnog naloga za realizaciju predviđenih poslova, postupa striktno po dobijenom nalogu za rad, prima informacije o kvarovima od kupaca, dispečera, Službe za odnose sa javnošću i informisanje kupaca i drugih, vrši prijavu kvarova većeg obima dispečeru, koji preuzima obavezu obavještanja odgovornih zaposlenika, ili u hitnim slučajevima sam izvještava odgovorne, vodi knjigu dežurstva i knjige primopredaje smjene, alata, inventara i vozila, vrši stalni kontakt sa Službom za upravljanje i operativne analize i Službom za odnose sa javnošću i informisanje kupaca van redovnog radnog vremena, tokom dežurstva, popravljiva kvarove koje može otkloniti sam, a u protivnom dužan je obavijestiti Službu za upravljanje i operativne analize i odgovorne zaposlenike Poslovne jedinice distribucije, vrši preuzimanje materijala i opreme iz skladišta, vodi evidenciju upravljanja mrežom za rad van radnog vremena.

KANDIDATI SU OBAVEZNI DOSTAVITI SLJEDEĆU DOKUMENTACIJU:

1. Pismenu prijavu (svojeručno potpisanu) na Oglas uz kraću biografiju, s tim da se u prijavi mora posebno navesti tačan broj telefona, adresa stanovanja i e-mail adresa (ukoliko istu posjeduje) putem kojih se može stupiti u kontakt sa kandidatom.

2. Dokumentaciju kojom dokazuju ispunjavanje posebnih uslova radnog mjesta na koje se prijavljuju i to:

- **Diplomu o stečenoj stručnoj spremi** koja se traži oglasom i svjedočanstva o završenim razredima
- **Dokaz o radnom iskustvu u struci** nakon sticanja tražene stručne spreme (pod radnim iskustvom podrazumijeva se iskustvo stečeno u radnom odnosu na neodređeno i određeno vrijeme, kao i iskustvo stečeno obavljanjem pripravničkog i volonterskog staža).

Kao dokaz o radnom iskustvu u struci prihvaćće se isključivo:

- potvrda/uvjerenje izdati od strane poslodavca/poslodavaca kod kojeg/kojih je to iskustvo stečeno, u čijem sadržaju treba da bude navedeno sljedeće: naziv radnog mjesta na koje je kandidat bio raspoređen, stručna sprema koja se traži za to radno mjesto, poslovi na kojima je kandidat radio (opis poslova), preciziran period angažovanja kandidata na tim poslovima, odnosno podatak koliko je dugo obavljao navedene poslove ili



Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH
161000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - ASA Banka Naša i snažna d.d. Sarajevo

Podružnica "Elektrodistribucija" Tuzla,
Rudarska 38, 75000 Tuzla, BiH

Reg. broj: UF/I-279/05 Kantonalni sud Sarajevo
Porezni broj: 4200225150056, PDV broj: 200225150005
3384402252721159 - UniCredit banka d.d. Mostar
(redovni transakcijski račun)
3384402252736485 - UniCredit banka d.d. Mostar
(prijključni i pomoćni i sporedne djelatnosti)
www.epbih.ba

- uvjerenje nadležne institucije za penzijsko i invalidsko osiguranje ili uvjerenje nadležne porezne uprave, uz obavezno dostavljanje potvrde u kojoj će šifre zanimanja iz uvjerenja biti razjašnjene, tako da se na osnovu ovih dokumenata može jasno utvrditi da li je kandidat radio na poslovima za koje se traži radno iskustvo i u kojem periodu.
- 4. PBA-3 obrazac** o mjestu prebivališta-boravišta (CIPS), ne stariji od 30 dana,
- 5. Uvjerenje o državljanstvu**, ne starije od 6 mjeseci.

Kandidati koji su ranije obavili pripravnički staž u Društvu ili su ranije radili u Društvu po osnovu ugovora o radu na određeno vrijeme u struci koja se traži za radno mjesto, treba da dostave dokaz o toj činjenici (odgovarajuće uvjerenje/potvrdu).

Kandidati koji su nezaposleni treba da dostave potvrdu o toj činjenici izdatu od strane Zavoda za zapošljavanje.

Kandidati koji su demobilisani borci, članovi porodice šehida ili poginulih boraca, koji imaju status ratnih vojnih invalida ili su član porodice ratnih vojnih invalida, treba da dostave dokaz o ovom statusu (izdat od strane nadležnog organa) u skladu sa propisima kojima se reguliše oblast boračko-invalidske zaštite.

Sva tražena dokumentacija koju kandidati prilažu uz prijavu dostavlja se kao original ili kao ovjerena kopija (ovjerena od strane nadležnog organa). Ukoliko se dokumentacija dostavi kao ovjerena kopija može se od kandidata zahtjevati uvid u originalne dokumente.

Svu traženu dokumentaciju dostaviti u zatvorenoj koverti, sa naznakom

„Prijava na oglas-neodređeno vrijeme“

lično ili poštom na adresu: JP Elektroprivreda BiH d.d.- Sarajevo, Podružnica „Elektrodistribucija“ Tuzla, ulica Rudarska br. 38 u Tuzli.

Neuredne, nepotpune i neblagovremene prijave, kao i prijave uz koje su priložene kopije dokumenata koji nisu ovjereni, Komisija će odbaciti zaključkom.

Svi prijavljeni kandidati, koji budu ispunjavali uslove ovog Oglasa i koji budu dostavili traženu dokumentaciju, biti će pozvani na usmeni razgovor. O mjestu i vremenu održavanja razgovora biti će blagovremeno obaviješteni.

Postupak izbora novog radnika provodi Komisija za izbor kandidata za prijem u radni odnos u skladu sa postupkom, načinom i kriterijima za izbor novih radnika koji su propisani Zakonom o radu, Uredbom o postupku prijema u radni odnos u javnom Sektoru u FBiH i internim aktima Društva. Komisija za izbor kandidata će izvršiti rangiranje kandidata na osnovu bodova ostvarenih na usmenom ispitu koji shodno internim aktima Društva podrazumijeva postavljanje pitanja iz sljedećih oblasti:

1. pitanja iz poznavanja sadržaja poslova na radnom mjestu na koje se kandidat prijavio i opća pitanja iz poznavanja struke koju kandidat posjeduje,
2. pitanja vezana za dosadašnje radno iskustvo kandidata u struci koja se traži za radno mjesto, sa ciljem utvrđivanja kompatibilnosti dosadašnjeg radnog iskustva kandidata sa poslovima radnog mjesta,
3. pitanja za sticanje općeg dojma o kandidatu koja imaju za cilj da utvrde personalne karakteristike kandidata.

Konačan izvještaj Komisije će sadržavati listu uspješnih kandidata pri čemu će se prijedlog za izbor kandidata, po ocjeni Komisije, određivati prema redoslijedu kandidata na rang listi.

Svi prijavljeni kandidati koji ne budu izabrani, biti će pismenim putem obaviješteni o ishodu javnog Oglasa.

Kandidat koji bude izabran biti će pismenim putem obaviješten o toj činjenici, te će prije zaključivanja ugovora o radu biti upućen na ljekarski pregled kod nadležne zdravstvene ustanove radi utvrđivanja zdravstvenog stanja i radne sposobnosti za obavljanje poslova radnog mjesta na koje je izabran.

Oglas ostaje otvoren 8 (osam) dana od dana objavljivanja u dnevnim novinama.



Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH
161000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - ASA Banka Naša i snažna d.d. Sarajevo

Podružnica "Elektrodistribucija" Tuzla,
Rudarska 38, 75000 Tuzla, BiH

Reg. broj: UF/I-279/05 Kantonalni sud Sarajevo
Porezni broj: 42002251500056, PDV broj: 200225150005
3384402252721159 - UniCredit banka d.d. Mostar
(redovni transakcijski račun)
3384402252736485 - UniCredit banka d.d. Mostar
(priključci i pomoćne i sporedne djelatnosti)
www.epbih.ba